

**IZVJEŠTAJ O PROVEDENOJ JAVNOJ RASPRAVI
NA NACRT PROGRAMA PODIZANJA SPOMENIKA I UMJETNIČKIH
SKULPTURA OD ZNAČAJA ZA GRAD SARAJEVO KOJIMA JE GRAD
SARAJEVO INVESTITOR ZA 2024. GODINU**

U skladu sa Zaključkom Gradskog vijeća Grada Sarajeva, broj: 01-GV-02-1596/23 od 25.10.2023. godine, provedena je javna rasprava na Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2024. godinu.

Pozivi za učešće u javnoj raspravi su, u skladu sa navedenim Zaključkom, upućeni sljedećim subjektima:

- klubovima vijećnika u Gradskom vijeću Grada Sarajeva
- linkom na web stranici Grada Sarajeva svim zainteresovanim
- Primjedbe, prijedlozi i sugestije iznesene na sjednici Gradskog vijeća kao i zaključci Komisije za spomenike smatraju se prilogom javne rasprave

Javna rasprava je trajala 10 dana, odnosno do 13.11.2023.. godine.

U javnoj raspravi učešće su uzeli sljedeći subjekti:

1. Gradsko vijeće – prihvaćena inicijativa na 26. sjednici Gradskog vijeća Grada Sarajeva
2. Zamjenik predsjedavajućeg Gradskog vijeća Grada Sarajeva Dragan Stevanović
3. Naša stranka

1. Gradsko vijeće – prihvaćena inicijativa na 26. sjednici Gradskog vijeća Grada Sarajeva

Na 26. sjednici Gradskog vijeća Grada Sarajeva, Gradsko vijeće je podržalo inicijativu Odbora za lokalni biznis i turizam vezano za obnovu Sarajevskih ruža, te je podnesena inicijativa postala inicijativom Gradskog vijeća.

STAV PREDLAGAČA

Cijeneći izneseno, smatramo sljedeće:

Inicijativa je prihvaćena i planira se u saradnji sa Zavodom za kulturno-historijsko naslijeđe Kantona Sarajevo, Grad Sarajevo će razmotriti mogućnost obnove „Sarajevskih ruža” koje su u lošem stanju, a neke od njih su na određenim mjestima uklonjene pri rekonstrukciji gradskog partera. Također, napraviti će se registar koji će sadržavati lokacije ruža i ostale bitne detalje.

2. Zamjenik predsjedavajućeg Gradskog vijeća Grada Sarajeva Dragan Stevanović:

U diskusiji na sjednici Gradskog vijeća, uvaženi vijećnik je dao prijedlog da se uvrsti Spomen-ploča pripadnicima Ministarstva unutrašnjih poslova i Vojne policije Armije Bosne i Hercegovine u predloženi Program Programa podizanja spomenika i umjetničkih

skulptura od značaja za Grad Sarajevo kojima je Grad Sarajevo investitor za 2024. godinu. (Tonski sjednice zapis u prilogu javne rasprave)

STAV PREDLAGAČA

Cijeneći izneseno, smatramo sljedeće:

Grad Sarajevo, odnosno gradonačelnica prihvata izneseni prijedlogu, te se isti uvrštava u Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2024. godinu.

3. Gradski vijećnik Adi Škaljić ispred kluba Naše stranke:

PRIJEDLOG 1.

Podizanje spomen ploče na mjestu na kojem se nalazila grobnica na groblju Sveti Josip, a u kojoj su privremeno bila tijela sugrađana i sugrađanki ekshumirana sa lokaliteta Kazani, Gaj i Grm Maline.

OBRAZLOŽENJE: Žrtve ubijene na Kazanima, Gaju i Grm Malinama ekshumirane su tokom novembra 1993. godine. Potom su zakopane na rimokatoličkom groblju Sveti Josip u općini Centar u Sarajevu. Reekshumacija sa groblja Sveti Josip izvršena je 27. novembra 1998. godine. Tom prilikom reekshumirani su posmrtni ostaci najmanje 23 mrtva tijela u 28 vreća. Predmetna inicijativa je u septembru 2023. godine dobila podršku Gradskog vijeća Grada Sarajeva.

PRIJEDLOG 2.

Uvrštavanje podizanja spomenika proslavljenom sarajevskom pjevaču, kantautoru i šansonjeru Kemalu Montenu.

OBRAZLOŽENJE: Radi se o ideji za spomenik koja je bila dijelom predmetnog Programa za više proteklih godina.

PRIJEDLOG 3.

Uvrštavanje podizanja spomenika proslavljenom sarajevskom piscu, novinaru i kolumnisti Dariju Džamonji.

OBRAZLOŽENJE: Radi se o ideji za spomenik koja je bila dijelom predmetnog Programa za više proteklih godina.

PRIJEDLOG 4.

Uvrštavanje podizanja spomenika proslavljenom sarajevskom muzičaru, kompozitoru, piscu i producentu Ismetu „Nuni“ Arnautaliću.

OBRAZLOŽENJE: Radi se o ideji za spomenik koja je bila dijelom predmetnog Programa za više proteklih godina.

PRIJEDLOG 5.

Uvrštavanje izrade i postavljanja bisti nedavno preminulim književnicima Dževadu Karahasanu i Marku Vešoviću u Malom parku preko puta zgrade Predsjedništva BiH.

OBRAZLOŽENJE: Bosna i Hercegovina i njen glavni grad Sarajevo su u proteklih pola godine ostali bez dva velikana književnosti, Dževada Karahasana i Marka Vešovića.

Smatram da bi Grad Sarajevo trebao vječno čuvati uspomenu na njih, a jedan od načina da se to i učini je postavljanje njihovim bisti.

STAV PREDLAGAČA na tačku 3.:

Cijeneći izneseno, usvajaju se svi navedeni prijedlozi osim prijedloga 1, odnosno prijedloga za Podizanje spomen-ploče na mjestu na kojem se nalazila grobnica na groblju Sveti Josip, a u kojoj su privremeno bila tijela sugrađana i sugrađanki ekshumirana sa lokaliteta Kazani, Gaj i Grm Maline.

OBRAZLOŽENJE: Žrtve ubijene na Kazanima ekshumirane su na groblju Sveti Josip novembra 1998. godine. Kao što je poznato, Gradsko vijeće je već u oktobru 2021. godine donijelo Odluku o podizanju spomen-obilježja žrtvama na Kazanima, što je ova administracija i provela u djelo, te je postavljeno spomen-obilježje na lokaciji stradanja na Kazanima.

Ovim činom Grad Sarajevo je pokazao pijetet prema žrtvama i visoku svijest o tragičnim događajima.

Shodno naprijed navedenom, smatramo da je ovaj nesretni događaj adekvatno obilježen i uvršten u kalendar posjeta delegacija na već postavljanom spomen-obilježju, te da fokus daljnjeg rada treba biti na novim projektima spomen-obilježja koja zaslužuju našu pažnju i interes.